



Quartu Sant’Aleni

NOVAS IN SARDU

# mesi de friaxu

*Su progetu “Sa lingua in Quartu” est finantziau de sa Regioni Autònoma de Sardìnnia cunforma a sa L.482/99 “Normas in matéria de amparu de is minorias linguísticas stòricas” e a sa L.R. 22/2018. S’ufitziu de sa lingua sarda est in sa Biblioteca de is minorias linguisticas, a disponimentu de scolas, assòtzius, atividadis cumertzialis e de is tzidadinas e tzitadinus chi bolint imparai a ligi, scriri, fueddai in sardu; po cursus de formatzioni in lingua sarda, tradutzionis, consulèntzias.*

**07/02/2024: Cun EXMÈ & AFFINI sighit s’annoamentu de Parcu Matteotti:** est cumentzendi su Carnovali. In Quartu est cumentzendi su Carnovali, aprontau de Exmè & Affini paris cun sa Fundatzioni Domus De Luna. Un’initziativa fata ainturu de is progetus de coesioni sotzialis, finantziaus de s’Aministratzioni comunali cun su coordinamentu de s’Assessorau a is Servìtzius Sotzialis e a is Politicas Generatzionalis.

**07/02/2024: Presentatzioni de su curtzumetràgiu 'BACIO ALLA TERRA' in Bia E. Porcu.** Cenàbara, su 09 de su mesi de friaxu 2024, a is oras 18.30 in sa Social Gallery, s’at a presentai su cuntzumetràgiu 'Bacio alla terra' de Giulia Clarkson e Grazia Dentoni.

**07/02/2024: Sa tòmbola cun ARCOIRIS:** Cumentzat su progetu de coesioni sotzialis 'SINE QUA NON'. Nascit su progetu ‘Sine qua non’: una proposta de Arcoiris ODV in s’àmbitu de is progetus de Coesioni Sotzialis de s’Assessorau a is Servìtzius Sotzialis e a is Politicas Generatzionalis de Quartu Sant’Aleni.

**09/02/2024: Is studiantis de s'IC2 contant sa cultura peri is bias de Quartu.** Una sfilada literària afestendi su Carnovali. Is giòvunus in su tzentru stòricu, peri is pratzas, is bias e is butegas e is logus istitutzionalis po una sotzialidadi culturali. Unu mengianu de spàssiu e connoscèntzia, po is studiantis de s’Istitutu comprensivu n. 2 ‘Maria Lai’ de Quartu Sant’Aleni.

**10/02/2024: In Consillu Comunali giòvunus e istitutzionis arregordant is mortus de is Fòibe.** Finas ocannu Quartu Sant’Aleni arregordat is mortus de is Fòibe in Consillu Comunali, cun unus cantu picocus e picocas, finas cun sa testimonia de Giuliano Lodes, arribau in Sardìnnia a piciocheddu cun su babbu e sa mama a is tempus de su disterru giulianu-dàlmata.

**12/02/2024: Grupu 'La pedagogia dei genitori: atòbiu po babbus, mammas e insinnantis.** Giòbia, su 15 de friaxu 2024, a ora de is 17.00 s’at a fai s’initziativa po is babbus e mammas de fillus cun DSA, me in suTzentru Psico-Pedagògicu “La Casa dei Girasoli” in bia Saverio Mercadante n. 106, in Quartu Sant’Aleni.

**13/02/2024: In Pratzu IV NOVEMBRE aberit su RISIKO! CLUB SARDEGNA.** Mèrcurus, su 14 de friaxu 2024 a ora de is 20:00 ddoi at s’inauguratzioni de sa sedi quartesa de su 'Risiko! Club Sardegna' me in Pratzu IV Novembre, 36. De corant’annus su Risiko praxit sèmpiri a totus!

**14/02/2024: "IMMAGINANDO GRAMSCI": una mostra me in is scolas de Quartu Sant’Aleni.** In is scolasde Quartu Sant’Aleni arribat sa mostra "Immaginando Gramsci". Martis, su 20 de friaxu 2024 a is oras 17:00, in s'Àula Magna de sa sediin Bia Scarlatti n. 4, in Quartu Sant'Aleni, ddoi at s’inauguratzioni de sa mostra dedicata a s’intelletuali e politicu sardu.

**14/02/2024: Cumentzat in su mesi de martzu su progetu BOGABOXI: is giòvunus stùdiant su linguàgiu giornalisticu.** Su laboratòriu “Bogaboxi” est unu programa de formatzioni in contu de linguàgiu giornalisticu. Est unu progetu de coesioni sotzialis, fatu de s’assòtziu RTS e finantziau de s’Aministratzioni comunali, chi bolit agiudai a is giòvunus a arriciri cumpetèntzias in contu de giornalismu web, tècnicas de ripresa po mèdiu de su smartphone, tècnicas de montàgiu imperendi software po pc e smartphone, po sa produtzioni giornalistica.



**14/02/2024: Progetu 'SINE QUA NON' de ARCOIRIS.** Funt sighendi is atòbius de su progetu de coesioni sotziali 'Sine qua non', promòviu de Arcoiris ODV e finantziau de s'Aministratzioni comunali. Su segundu atòbiu est lunis, su 19 de friaxu 2024, a ora de is 16.30 me in sa sedi de s'assòtziu, in bia Genova 36, cunsu seminàriu 'Seconda Casa - Il faticoso sogno dei Falasha' a incuru de su dot. Davide Atzori.

**14/02/2024: In s'Ex Cunventu arraxonada in s'àmbitu de su Programa P.I.P.P.I.** Megat de cumentzai su programa 'P.I.P.P.I. - *“Programma di intervento per la prevenzione dell'istituzionalizzazione - incontra il territorio”* cun un' arraxonada prevìdia po mèrcuris, su 21 de friaxu a ora de is 15:00, in s'Ex Cunventu de isParas de Santu Frantziscu de Quartu Sant'Aleni.

**15/02/2024: Biblioteca Tzentrali: presentatzioni de s'arregorta de poesias de Dario Cadinu.** Ainturu de su programa "Quartu Rassegna Autori 2024", s'autori casteddaui Dario Cadinu presentat s'arregorta poètica sua "Trinità del gesto - Il regalo che andava fatto", lunis su 19 de friaxu a ora de is 17.30, in sa Biblioteca Tzentrali de Quartu Sant'Aleni, in bia Dante n. 66/68.

**19/02/2024: Coesioni sotziali: laboratòrius musicalis po is fèminas in Casa Olla.** Cun "MusicLab per la donna" megat de cumentzai un'àtera iniziativa ainturu de is progetus de Coesioni Sotziali finantziaus de su setori de is Políticas Sotzialis e Generatzionalis de s'Aministratzioni comunali. S'iniziativa, promòvia de parti de s'Assòtziu Culturali Gong, previdit n.8 laboratòrius de pràtica musicali po fèminas.

**20/02/2024: Ex Cunventu: seminàrius de sensibilizatzioni po su potenziali connitivu.** Una filera de seminàrius po connosci, e finas avalorai, su potenziali connitivu artu de is personis. Cumentzendi de is pipius e finas a is mannus. Est su programa aprontau de s'Assessorau a is Servìtzius Sotzialis e a is Políticas Generatzionalis paris cun sa Cooperativa Laurus.

**15/02/2024: Tzentru Sòtziu Educativu: videogiogus, manga e anime.** Is su Tzentru Sòtziu Educativu e Intergeneratzionali de pratza IV Novembre n. 36 una dii dedicata a su mundu fantasy. Un'iniziativa a favori de is generatzionis noas, chi finas in Quartu Sant'Aleni funt interessadas a custas formas de arti.

**20/02/2024: Ex Cunventu: progetu cun is migrantis.** Ainturu de is progetus de coesioni sotziali finantziaus de s'Aministratzioni comunali, cun su coordinamentu de s'Assessorau a is Servìtzius Sotzialis e a is Políticas Generatzionalis, nci funt finas atividadis in contu de integratzioni sotziali. Su programa 'Mens sana in corpore migrantis... su stoffa', est una proposta de s'assòtziu "La Matrioska", unu laboratòriu de tessìngiu, creativu e sotziali.

**21/02/2024: Informatzionis po is eletzionis de su Presidenti e de su Consillu de sa Regioni Autònoma de Sardìnnia.** Domìnicu, su 25 de su mesi de friaxu 2024, de is oras 06:30 e fintzas a is oras 22:00, s'at a votai po s'eletzioni de su Presidenti de sa Regioni e de su Consillu.

**21/02/2024: "A Lugori": de su 23 de friaxu in Quartu Sant'Aleni sa mustra de Luisa Schirru.** De su 23 de friaxu in Quartu Sant'Aleni ddoi at sa mustra personali de pintura 'A lugori', de Lucia Schirru.

**21/02/2024: "ACCABADORA", unu cuntzertu po s'iniziativa "Non solo il 25 novembre".** Ainturu de is progetus de coesioni sotziali, una parti de is finantziamentus chi at cuntzèdiu s'Aministratzioni comunali est po s'iniziativa "Non solo il 25 novembre", po promovi e favoressi atzionis po sa crèschida econòmica e sotziali de is feminas, a favori de s'emancipatzioni e contras a sa violèntzia e a sa discriminatzioni.

**22/02/2024: Rassìnnia "VIACONVENTO", editzioni noa ma cun sa pròpiu idea: sa Sardìnnia.** Torrat sa Rassìnnia "ViaConvento", chi giai in s'editzioni passada iat tentu arresurtu bonu de pùblicu. In s'Ex Cunventu s'ant a presentai unus cantu autoris, totus sardus, chi nos'ant a contai sa bellesa e s'unitzidadi de s'isula nosta.



**22/02/2024: Rassinnia "AUTORI 2024", Matteo Floris in Biblioteca.** Lunis, su 26 de friaxu 2024, a is oras 17:30 in sa Biblioteca de bia Dante 66/68, Matteo Floris presentat su romanzu “Vendetta nella nebbia”. At a arraxonai cun s’autori Daniela Tevere.

**22/02/2024: Duus eventus po su progetu de coesioni sotziali 'EDUCANDO 2'.** Duas initiatives chi serrant sa segundu editzioni ‘Educando’, sa scola permanenti po babbus e mamas, finantziada de s’Assessorau a is Servìtzios Sotzialis e a is Políticas Generatzionalis de su Comunu de Quartu Sant’Aleni, àinturu de is progetus de Coesioni Sotziali. Est unu programa chi afortiat is Servìtzios Educativus de su Comunu, sighiu de su Dot. Lorenzo Braina, pedagoga, espertu de mediatzioni sotziali, Diretori científicu de suTzentru CREA Educatzioni, chi promovit s’iniziativa.

**22/02/2024: De su mesi de martzu unu cursu nou in su CPIA de Quartu, po traballai in su setori sòtziu sanitàriu.** Sa sedi de Quartu Sant’Aleni de su Tzentru Provintziali po s’Istruzioni de is mannus, CPIA 1 Cagliari, de su mesi de martzu 2024, aprontat su cursu de orientamentu a is professionis sòtziu-sanitàrias.

**22/02/2024: Mostra de pintura in s’Ex Cunventu: "IV COLLETTIVO ARTISTICO".** Sàbudu, su 24 de friaxu, a ora de is 17:30, in s’Ex Cunventu cumentzat s'esposizioni cun su titulu 'IV Collettivo Artistico' cun is artistas Natalia Loddo, Antonio Pillitu, Davide Gratzu e Fabio Stocchino. Sa mostra si podit bisitai a indonufintzas a su 16 de martzu 2024.

**23/02/2024: Progetu sotziali contras a sa violèntzia a is fèminas: “Aperitivo in Rosa”.** Nascit in Quartu su progetu “L’aperitivo in rosa”, de parti de s’assòtziu Tzentru Stùdius Eida àinturu de is progetus de coesioni sotziali chi funt promovendi sa socializazioni in tzitadi cun una filera de initiatives abertas a totu sa tzitadinàntzia.

**23/02/2024: “Kuntralab” po is giòvunus: unu laboratòriu de scrittura e de produzioni de videoclip.** Su bisòngiu de socializazioni de is “millennials” bortas meda abarrat àinturu de is social network, in una realtadi virtuali chi podit cunditzionai fintzas sa crèscida psico-sotziali de is giòvunus. Serbit una sotzialidadi differenti e no sceti virtuali, comentis s’iniziativa de “Kuntralab”: unulaboratòriu de scrittura e de produzioni de videoclip.

**26/02/2024: S’ 8 de martzu: in Flùmini literadura e arti po is fèminas.** Po s'08 de martzu 2024, sa Dii internatzionali de is fèminas, sa Biblioteca de Flùmini organizat sa presentazioni de liburus in contu de diritus de is fèminas, po parai fronti a sa discriminazioni de gèneri.

**28/02/2024: In Quartu Sant’Aleni sa de duas Editzionis de "La comunità del buon gusto".** Torrat a cumentzai “La Comunità del Buon Gusto” in Quartu Sant’Aleni. Promòvia de sa “Fondazione Carlo Enrico Giulini” e finantziau de s’Assessorau comunali a is Políticas Sotzialis àinturu de is progetus de coesioni sotziali de su Comunu de Quartu Sant'Aleni.